

外科鈴下

景
去
全
也

日
夕
春

朱生元



會稽 張介賓 會卿著

休寧 查廷璋禮南氏訂

外科鈐

下

發背 四十二

發背屬督脉膀胱經凡陰虛火盛或醇酒厚味或鬱怒房勞或
瘡其膿內攻其色紫黯者為疽屬陰難治且此證不可大痛
證也為易治若漫腫微痛色黯作渴脉雖洪數而無力者陰
虛之證也為難治若不腫不痛或漫腫色黯脉微細者陽氣
虛甚也尤為難治大抵發背之證其名雖多總惟陰陽二證



爲要若發一頭或二頭其形炊赤腫高發執疼頭痛頭起者爲癰屬陽易治若初起一頭如粟不腫不赤悶痛煩躁大渴便秘睡語咬牙四五日間瘡頭不計其數瘡口各含如粟形如蓮蓬故名蓮蓬發積日不潰按之流血至數日或八九日其頭成片所含之物俱出通結一衣揭去又結其口共爛爲一舟石執毒皆能致之若腫赤痛甚脉洪數而有力者執毒之又不可痛若見煩悶者多不治總之瘡瘍雖云屬火然未有不由陰虛而致者故經云督脉經虛從腦而出膀胱經虛從背而出故不可專泥于火

陳良甫曰背疽之源有五一天行二瘦弱氣滯三怒氣四腎氣虛五飲冷酒食灸燻服丹藥

立齋曰大抵發背之證雖發熱疼痛形勢高大煩渴不寧但得
脉息有力飲食頗進可保無虞其膿一潰諸證悉退多有因
膿不得外泄以致疼痛若用敗毒寒藥攻之反致誤事若有
膿急針之膿一出苦楚卽止膿未成而執毒作痛者可用解
毒之藥亦有腐潰尺餘者若無惡證則投以大補之劑肉最
易生亦無所妨惟忌腫不高色不赤不沈痛脉無力不飲食
腫不潰腐不爛膿水清或膿多不止皆屬元氣虛也爲難治
宜峻補之其或膿血旣泄腫痛尤甚濃水臭敗煩躁時嗽腹
痛渴甚瀉利無度小便如淋乃惡證也皆不可治
尚微赤腫尚不起痛不甚膿不作者尤宜多灸勿拘日期更
但未成膿或不潰者卽與灸之隨手取效或麻木者明灸之

毒氣自然隨火而散或瘡頭如黍者灸之不效亦有數日色
又灸法曰子常治發背不問日期陰陽腫痛或不痛或痛甚
服甘溫托裏藥切忌寒涼之劑其有勢未定者或先用箍藥
圍之若用烏金膏點患處尤妙凡人初覺發背赤執腫痛莫
辨其頭者但以濕紙覆其上立候視之其紙有先乾處卽是
結癰頭也取大蒜切成片如二三錢厚薄安於頭上用大艾
炷灸之三壯換一蒜片痛者灸至不痛不痛灸至痛時方止
最要早覺早灸爲上一日二日十灸十活三日四日六七活
五日六日三四活過七日則難爲力矣若有十數頭作一處
生者卽用大蒜研成膏作薄餅鋪頭上聚艾於蒜餅上燒之
亦能活也若背上初發赤腫一片中間有一片黃粟米頭子

便用獨蒜切去兩頭取中間半寸厚者正安于瘡上灸十四壯多至四十九壯蓋如此惡證惟隔蒜灸及塗烏金膏有效又治法曰腫硬痛深脉實者邪在內也可下之○腫高焮痛脉浮者邪在表也宜托之○焮痛煩躁或咽乾火在上也宜瀉之○腫高或不作膿者邪氣凝結也宜解之○腫痛飲冷發熱睡語者火也宜清之○不作膿或不潰不斂者陽氣虛也宜補之○瘡肉不腐或積毒不解者陽氣虛也宜助陽氣○膿多或清者氣血俱虛也宜峻補之○脉浮大或瀼而肌肉遲生者氣血俱虛也宜補之○右關脉弱而肌肉遲生者宜補脾胃

又諸毒治法曰如頭痛有表證者宜先服人參敗毒散一二

劑○如焮痛發熱脉數者用金銀花散槐花酒神功托裏散
○如疼痛腫硬脉實者以清涼飲仙方活命飲苦參丸○腫
硬木悶疼痛發熱煩躁飲冷便秘脉沉實者內疎黃連湯或
清涼飲○大便已通欲其作膿宜仙方活命飲托裏散蠟礬
丸外用神異膏○如飲食少思或不甘美用六君子湯加藿
香連進三五劑更用雄黃解毒散洗患處每日用烏金膏塗
瘡口處俟有瘡口卽用紙作撚蘸烏金膏緝入瘡內○若有
膿爲脂膜間隔不出或作脹痛者宜用針引之腐肉堵塞者
去之若瘀肉腐動用猪蹄湯洗之○如膿稠或痛飲食如常
瘀肉自腐用消毒與托裏藥相兼服之仍用前二膏塗貼○
若腐肉已離好肉者宜速去之○如膿不稠不稀微有疼痛

飲食不甘瘀肉腐遲更用桑柴灸之亦用托裏藥○若瘀肉不腐或膿清稀不焮痛者急服大補之劑亦用桑木灸之以補接陽氣解散鬱毒○常觀患疽稍重未成膿者不用蒜灸之法及膿熟不開或待腐肉自去則多致不救○大抵氣血壯實或毒少輕者可假藥力或自腐潰若怯弱之人執毒中隔內外不通不行針灸藥無全功矣○此證若膿已成急宜開之否則重者潰通臟腑腐爛筋骨若使透膈則不可治輕者延潰良肉難於收功因而不斂者多矣

又諸補治法曰若腫焮作痛寒熱作渴飲食如常此形氣病氣俱有餘也先用仙方活命飲後用托裏消毒散解之○漫腫微痛或色不赤飲食少思此形氣病氣俱不足也用托裏

散調補之○不作膿或膿成不潰陽氣虛也托裏散倍加肉桂參芪○膿出而反痛或膿清稀氣血俱虛也八珍湯○惡寒形寒或不收斂陽氣虛也十全大補湯○晡熱內熱或不收斂陰血虛也四物加參朮○作嘔欲嘔或不收斂胃氣虛也六君加炮薑○食少體倦或不收斂脾氣虛也補中益氣湯加茯苓半夏○肉赤而不斂血熱也四物加山梔連翹○肉白而不斂脾虛也四君加酒炒芍藥木香○小便頻數者腎陰虧損也加減八味丸○大抵瘡毒勢甚若妄用攻劑怯弱之人必損元氣因而變證者衆矣

又三證治法曰若初患未發出而寒熱疼痛作渴飲冷此邪氣內蘊也仙方活命飲若口乾飲熱漫腫微痛此元氣內虛

也托裏消毒散若飲食少思肢體倦怠此脾胃虛弱也六君子湯如未應加薑桂其有死者乃邪氣盛真氣虛而不能發出也在於旬餘之間見之○若已發出用托裏消毒散不腐潰用托裏消毒散如不應急宜溫補脾胃其有死者乃真氣虛而不能腐潰也在於二旬之間見之○若已腐潰用托裏散以生肌如不應急溫補脾胃其有死者乃脾氣虛而不能收斂也在於月餘見之此三證雖不見於經籍余嘗治而歷驗者

千金方灸法治發背已潰未潰者用淡荳豉以水和搗成硬泥依腫大小作餅三四分厚如已有瘡孔勿置瘡孔上但四布豆餅列艾其上灸之使微熱勿令破肉如熱痛急少起之日

灸二度如先有瘡孔孔出汁卽瘥

一驗透膈法凡背疽大潰欲驗穿透內膜者不可用皂角散噫法但以紙封患處令病者用意呼吸如紙不動者未穿透也倘用取噫法鼓動內膜則反致穿透慎之慎之

都憲周弘岡背患疽腫而不潰脉大而浮此陽氣虛弱而邪氣壅滯也用托裏散倍加參芪及內熱作渴脉洪大鼓指此虛火也用前散急加肉桂脉證頓退仍用托裏而愈若以爲熱毒而用寒藥則誤矣○上舍張克恭患此內服外敷皆寒涼敗毒遍身作痛欲嘔少食晡熱內執惡寒畏寒余曰遍身作痛營衛虛而不能營於肉裏也欲嘔少食脾胃虛寒而不能消化飲食也內熱晡熱陰血內虛而陽氣陷於陰分也惡寒

畏寒陽氣虛弱而不能衛於肌肉也此皆由脾胃之氣不足所致遂用補中益氣湯諸證漸退更以十全大補湯腐肉漸潰又以六君子湯加芎歸肌肉頓生而愈○府痒彭碧溪患腰疽服寒涼敗毒之藥色黯不痛瘡頭如鋪黍背重不能安寢耳瞶目白面色無神小便頻澀作渴逆悶氣粗短促脉浮數重按如無余先用滋水之藥一劑少頃便利渴止背卽輕爽乃砭出瘀血以艾半觔許明灸患處外敷烏金膏內服參芪歸朮肉桂等藥至數劑元氣稍復自疑肉桂辛熱一日不用手足並冷大便不禁仍用肉桂及補骨脂二錢肉豆蔻一錢大便復常其肉漸潰更用當歸膏以生肌肉八珍湯以補氣血而愈○上舍蔡東之患此余用托裏之藥而潰瘡口尚

未全歛時值仲冬且兼咳嗽余曰瘡口未歛脾氣虛也咳嗽不止肺氣虛也法當補其母一日與之全宴見忌羊肉余曰補可以去弱人參羊肉之類是也最宜食之遂每日不徹旬餘而瘡歛嗽亦頭愈矣○一男子年踰五十患發背色紫腫痛外皮將潰寢食不安神思其疲用桑柴灸患處出黑血卽甦睡覺而諸證如失服仙方活命飲二劑又灸一次膿血皆出更進二劑腫痛大退又服托裏消毒散數劑而歛夫瘡勢熾甚本宜峻劑攻之但年老血氣衰弱况又發在肌表若專於攻毒則胃氣先損必反誤事

俱薛按

于長男於二週患背疽治按在腫瘍條中

新按

一論外通用方

神仙薰照法 外一二三

腦疽 四十三

立齋曰腦疽屬膀胱經積熱或濕毒上壅或陰虛火熾或腎水虧損陰精消涸所致○若腫痛未作膿者宜除濕消毒○大痛或不痛或麻木者毒甚也隔蒜灸之更用解毒藥○腫痛便秘者邪在內也宜泄之○不甚痛或不作膿者虛也托裏爲主○膿成脹痛者針之更以托裏○上部脉數實而痛者宜降火○上部脉數虛而痛者宜滋陰降火爲主○尺部脉數而作渴者滋陰降火○脉數而虛細無力或膿清或不斂或膿多者大補血氣○不作膿或不潰者托裏藥王之○煩躁飲冷脉實而痛者宜瀉火

又治法曰初起腫赤痛甚煩渴飲冷脉洪數而有力乃濕熱
上壅當用黃連消毒散並隔蒜灸以除濕熱○若漫腫微痛
渴不飲冷脉洪數而無力乃陰虛火熾當用六味丸及補中
益氣湯以滋化源○若口舌乾燥小便頻數或淋漓作痛乃
腎水虧損急用加減八味丸及前湯以固根本而引火歸經
○若不成膿不腐潰陽氣虛也四君加歸芪○若不生肌不
收斂脾氣虛也十全大補湯○若色黯不潰或潰而不斂乃
陰精消涸名曰腦爍爲不治若攻補得宜亦有可愈○大凡
腫焮痛甚宜活命飲隔蒜灸之以解散瘀血拔引鬱毒但艾
炷宜小而少若欲其成膿腐潰生肌收斂並用托裏爲主

李氏曰腦疽及頸項有疽不可用隔蒜灸恐引毒上攻宜灸足

三里穴五壯氣海穴三七壯仍服涼血化毒之藥或以騎馬
穴法灸之凡頭項咽喉生疽古法皆為不治若用此法多有
生者如五香連翹漏蘆等湯國老膏萬金散皆可選用

見外科精

一老人患此色赤腫痛脉數而有力與黃蓮消毒散二劑少退
更與清心蓮子六四劑而消○一男子腫痛脉數以荆防敗
毒散二劑而痛止更以托裏消毒藥而消○一男子焮腫疼
痛發熱飲冷脉洪數與涼膈散二劑而痛止以金銀花散四
劑而潰更以托裏藥而愈○一老婦稟壯實潰而痛不止脉
實便秘以清涼飲二劑而痛止更以托裏消毒藥而愈○一
婦人冬間患此腫痛熱渴余用清熱消毒潰之而愈次年三

月其舌腫大遍身發疔如葡萄不計其數手足尤多乃脾胃
受毒也先各刺出黑血隨服奪命丹七粒出鼻汗瘡熱益甚
便秘二日與大黃芩連各三錢升麻白芷山梔薄荷連翹各
二錢生甘草一錢水煎三五沸服之大小便出臭血甚多下
體稍退乃磨入犀角汁再服舌本及齒縫出臭血諸毒乃消
更以犀角地黃湯而愈○一婦人患前證口乾舌燥內服清
熱外敷寒涼色黯不舉胸中氣噎此內真寒而外假熱也彼
疑素有痰火不欲溫補余以參芪各五錢薑桂各二錢一劑
頓潰又用大補藥而愈○一男子頭項俱腫雖大潰腫痛益
甚兼作瀉煩躁不睡飲食少思其勢可畏診其脈則毒尚在
與仙方活命飲二劑腫痛退半與二神丸及六君子湯加五